

## DE POND E R I B V S

**Mina.**

uasis magis respexisse mihi uidetur, quā ad pondus. Superest ut de Mina dicamus. Et Atticam centum Drachmarum esse, notius est, q̄ ut probatione indigeat. Quapropter & Plinius supradicto libro xxi. capite ultimo, sic legi posset, ut Mnam scribat, quam & nostri Minam uocāt, habere Drachmas Atticas centū, quem locum ita etiam a plerisque recentioribus correctum uideo. Cæterorum autem Græcorum, Paulus Ægineta Minam Vnciarum esse sedecim author est, Romanā uero Vnciarum uiginti. At interpretes Nicandri Minam simpliciter Vnciarū esse sexdecim, & ipse scripsit. Quæ uero Italica mina uocetur, esse Librę unius semissis. Quæ sententia mihi uidetur uerior, ut Græci Sextarium nostrum non solum ξέσκν, alienam ab ipsis uocem, sed Italicam quoq̄ Minam uocent, quæ Vnciarum nostrarum quindecim sit. Quapropter Plinius, cum apud scriptorem Atticum Minam reperit, uertit simpliciter Libram: minimum enim Libra nostra & Attica Mina differunt, nimirum quatuor solis Drachmis. At cum eandem uocem ab aliis transfert, Libram inquit, et Quadrantem, quod libro decimo quarto, ubi de Oxymelle, itemq̄ Cenchrite uino agit, potest agnosci; tametsi sint, qui non sa